



Broj: 06-1-07-1-2634-35/12
Sarajevo, 24.01.2013. godine

Na osnovu člana 2.9 stav (1) tačka 9., a u vezi sa članom 13.10 Izbornog zakona Bosne i Hercegovine ("Službeni glasnik BiH", broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i članom 32. i 33. Uputstva o postupku provođenja posrednih izbora zakonodavnih organa vlasti u Bosni i Hercegovini („Službeni glasnik BiH“, broj: 83/10 i 94/10), Centralna izborna komisija Bosne i Hercegovine je na 7. sjednici, održanoj 24. 01. 2013. godine, d o n i j e l a

ODLUKU

o utvrđivanju rezultata posrednih izbora i dodjeli mandata iz Skupštine opštine Istočno Novo Sarajevo za Skupštinu grada Istočno Sarajevo

(1) Centralna izborna komisija Bosne i Hercegovine utvrđuje rezultate posrednih izbora i dodjeljuje mandate za Skupštinu grada Istočno Sarajevo iz Skupštine opštine Istočno Novo Sarajevo sljedećim odbornicima:

- 1. Šešelj Dejan**
- 2. Tošović Slavko**
- 3. Tešanović Zoran**
- 4. Todorović Aleksandar**
- 5. Popić Nebojša**

Obrazloženje

Skupština opštine Istočno Novo Sarajevo je, dana 22. 01. 2013. godine, dostavila Centralnoj izbornoj komisiji Bosne i Hercegovine akt broj: 01-022-3-11/13 od 22. 01. 2013. godine, te u prilogu istog cjelokupan materijal o provedenim posrednim izborima iz Skupštine opštine Istočno Novo Sarajevo koji se sastoji od zapisnika o provedenom postupku glasanja za izbor odbornika za Skupštinu grada Istočno Sarajevo iz Skupštine opštine Istočno Novo Sarajevo, biračkog spiska i glasačkih listića.

Centralnoj izbornoj komisiji Bosne i Hercegovine dostavljeni su rezultati glasanja sa cjelokupnim izbornim materijalom, kako bi Centralna izborna komisija Bosne i Hercegovine postupila u skladu sa članom 2.9 stav (1) tačka 9. a u vezi sa članom 13.10 Izbornog zakona Bosne i Hercegovine, odnosno utvrdila i potvrdila rezultate posrednih izbora iz Skupštine opštine Istočno Novo Sarajevo za Skupštinu grada Istočno Sarajevo.

U postupku izbora odbornika u Skupštinu grada Istočno Sarajevo, od ukupno 19 odbornika u Skupštini opštine Istočno Novo Sarajevo glasalo je osamnaest (18) odbornika, za pet (5) prethodno ovjerenih kandidatskih listi. Nevažećih glasačkih listića nije bilo.

Uvidom u cjelokupan dostavljeni glasački materijal provedenih posrednih izbora za Skupštinu grada Istočno Sarajevo iz Skupštine opštine Istočno Novo Sarajevo, dana 22. 01. 2013. godine, utvrđeni su sljedeći rezultati:

1. Kandidatska lista političke partije Savez nezavisnih socijaldemokrata-SNSD-Milorad Dodik dobila je 4 glasa,
2. Kandidatska lista političke partije Srpska demokratska stranka dobila je 4 glasa,
3. Kandidatska lista političke partije Partija demokratskog progresa dobila je 3 glasa,
4. Kandidatska lista grupe članova A- dobila je 4 glasa
5. Kandidatska lista grupe članova B - dobila je 3 glasa.

Odredbom člana 13.10 Izbornog zakona Bosne i Hercegovine propisano je da se mandati za gradsko vijeće, odnosno skupštinu grada dodjeljuju kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, koji su rezultirali iz formule za proporcionalnu raspodjelu predviđenu članom 9.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

Ukupan broj odbornika koji se biraju iz opština u Skupštinu grada Istočno Sarajevo utvrđen je članom 50. Izbornog zakona RS i isti je za Skupštinu opštine Istočno Novo Sarajevo pet (5) odbornika.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati odbornicima na način kako je to navedeno u dispozitivu ove odluke.

Ova odluka stupa na snagu danom donošenja i objaviće se dana 24. 01. 2013. godine u 14,00 časova na web stranici Centralne izborne komisije Bosne i Hercegovine, www.izbori.ba, i smatraće se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo ili putem faks aparata na broj: 033/251-329.

